

Elio Nicolaas a pidi retiro di partido P.P.A.

ORANJESTAD (AAN): Pa medio di un carta fecha 27 di April 1998, Elio Nicolaas a pidi su retiro for di Partido Patriotico Arubano. Despues di un combersacion cu lider di partido, Benny Nisbet y un miembro di directiva na nomber di e partido en relacion cu e carta di retiro, Nicolaas a mantene su postura y ta considera su mes for di e fecha menciona como ex-miembro di PPA.

"Cu enfasis mi ta declara cu e decision aki ta puramente pa motibonan personal y mi no tin problema ideologico cu e partido den cual mi a milita pa casi 10 aña," Elio Nicolaas a declara. "E motibonan principal pa mi decision ta e nivel y forma di practica politica y gobernacion di e ultimo tempo di partidonan cu a haya confianza di pueblo y e hecho cu mi ta convenci cu 'cada pueblo ta haya e gobierno y politiconan cu e merece'."

"Berdaderamente mi ta decepciona cu politica Arubano a yega na un nivel unda confianza di pueblo den hopi di

su politiconan casi no ta existi. Si e mentalidad y actuacion di politiconan no cambia rapidamente y drasticamente, politiconan sincero y honrado cu ta respeta nan mes lo tin berguenza pa bisa cu nan ta politico."

"Mi ta convenci cu PPA cu su ideologia social-democrata/pragmatico manera por lesa entre otro den tur su programanan pa eleccionnan, esta punto- y proyectonan social/economico necesario, pagable, realistico y sincero, den futuro cercano, lo convence un parti grandi di e comunidad cu e partido aki merece confianza di pueblo pa contribui na adelanto di nos pais."

Segun Nicolaas, lamentablemente pueblo votador no a scucha esnan di PPA cu tabata spierta pueblo pa cosnan cu tabata pasando of lo bay pasa. Pa motibonan cu awe ta mas bisto, PPA no por a convence un parti mas grandi di e pueblo votador. Awe por mira ta na unda e asina yama charisma, aparen-

temente mas importante cu sinceridad y honradez den politica Arubano, promesa y hopi placa den campaña por hiba un pueblo!

"Na tur esnan cu a acerca mi diferente biaha ultimo lunanan pa duna mi punto di bista riba asuntonan di politica actual, mi kier sigura nan cu awor cu mi no ta afilia na ningun partido politico mas, lo mi por haci esaki na un manera mas obhetivo ora cu esey ta necesario como ciudadano hopi preocupa pa e isla aki."

Na final, Elio Nicolaas a bisa cu e tin un aprecio enorme pa e lider di PPA, Benny Nisbet, pa su vision y actuacionnan politico cu segun el, pa un pueblo ta mas importante cu un 'smile' captativo y charisma, di cual enberdad e ta carece. "Mi ta desea PPA forza y exito pa futuro!"

Elio Nicolaas ta gradici tur esnan cu semper a kere den dje, y a sostene paden y pafor di e partido pa e temporada cu e por a representa nan den gobierno y Parlamento.

COASTAL TA BUSCA TURCONAN MIENTRAS CU TIN ARUBIANO SIN TRABAJO

ORANJESTAD [AAN] Coastal tin actualmente mas di 100 Turco trahando y a caba di yega binti-un (21) Turco mas pa bin yuda cu turnaround, mientras cu nan ta informa DOOV cu e Turconan lo keda pa un aña. Tambe nos tin informacion cu Coastal lo trece mas cuatro cien (400) Turco pronto.

Actualmente tin hepi Arubiano cu no tin trabao, pasobra e negociantenan ta prefera busca stranhero, pasobra nan por pagan sueldo di miseria. Coastal no ta solicita pa trahadornan den corant aki na Aruba, nan ta simplemente busca Turconan y pidi DOOV pa duna nan permiso pa traha. Nos ta spera cu DOOV lo duna permiso cu restriccion, cu e Turconan aki a bini solamente pa Turnaround operation y nada otro. Kiermeen pa trabounan specifico y nada di all around operation work.

Turnaround ta un asunto normal den refinaria. Tempo

di "Lago" nunca nan tabata busca trahador den exterior pa e asunto aki. Nan ta pidi empleadonan pa coopera cu algun overtime y cu algun empleado mas di contratis-tanan ta schedule e trabounan y casi semper e Turnaround ta keda acaba riba schedule. Directiva di IOWUA ta kere cu Coastal ta evalua e calidad y capacidad di e trahadornan Arubiano hopi abou. Ta hopi mucha Arubiano cu diploma di MTS ta haci trabaonan abou nan potencial, pasobra Coastal no kier pagan un sueldo husto y digno, pa despues Coastal bisa cu e no por haya trahadornan na Aruba mes. Ta cuanto Arubiano tin na Hulanda y ta dispuesto pa

bin traha na Aruba, pero e oferta di Coastal ta un tiki mas cu minimum loan. Esaki no ta ningun motivacion pa nan bolbe Aruba.

Nos ta bisa si Coastal ta serio pa progreso, mihor e cuminsa cu un sistema di aprendiz y asina desaroya cu trahadornan skilled (capacita) pa su refinaria. E sistema aki ta hopi bon pa Coastal mes y tambe pa futuro trahadornan skilled (capacita) Arubiano. E gastonan ta muestra hopi grandi pa cuminsa, pero e beneficionan lo ta tremendo pa futuro progreso di e refinaria.

Esaki segun un comunicado di e directiva di Independent Oil Workers Union Aruba.

TELEFONNAN DI DIARIO
826747- FAX 828551

Royal Cabana

DIADO BINGO



Cumpra
Afl. 20,-

pa
8
carchi
10 wega

Total prizes

Afl. 11.000,-

4:00 p.m.
Tropicana
Showroom
Open Bar
Free Snacks

1. Inside picture frame	Afl. 200
2. Double Cross	Afl. 300
3. Letter V	Afl. 400
4. Picnic Table	Afl. 500
5. Open House	Afl. 1.000
Intermission	
6. Lucky 7	Afl. 500
7. Hi	Afl. 600
8. Crazy T	Afl. 700
9. Letter R	Afl. 800
10. Full Card	Afl. 6.000

Bebida - Doordrinken - Snack

Royal Cabana Casino

Gana riba bo dia di nacimiento y nos ta paga e premio dobel.

fin di siman!